



BASHKIMI DEMOKRATIK PËR INTEGRIM

STATUTI
I BASHKIMIT DEMOKRATIK PËR INTEGRIM

19 nëntor 2005

Konform nenit 3, 14 dhe 16 të Ligjit për parti politike („Gazeta zyrtare e RM-së,, nr.75/2004) dhe përcaktimeve programore të partisë politike **BASHKIMI DEMOKRATIK PËR INTEGRIM**, në Kongresin e I-rë të Bashkimit Demokratik për Integrim, mbajtur më **19.11.2005** në Tetovë, u sollë:

STATUTI I BASHKIMIT DEMOKRATIK PËR INTEGRIM

I. DISPOZITAT E PËRGJITHSHME

Neni 1

Bashkimi Demokratik për Integrim është parti politike e qytetarëve të lirë, e cila aktivitetin e vet politik e zhvillon në bazë të programin, statutin dhe aktet tjera.

Neni 2

Emri i partisë është: **Bashkimi Demokratik për Integrim**.
Shkurtesa e emrit të partisë është : **BDI**.

Neni 3

Selia e partisë është në Shkup, rr. “Pançe Nedellkovski” nr. 47
BDI ka cilësinë e personit juridik.

Neni 4

BDI ka amblemën, flamurin dhe himnën e vet, të cilat i përcakton Këshilli i përgjithshëm.

Pamja e amblemës paraqet figurë e stilizuar të përzierjes së shkronjave të **B,D** dhe **I** dhe në pjesën lartë rreth shkronjave ka të radhitur shtatë yje njëri prej tyre i stilizuar në rreth.

Flamuri i partisë ka formë të katërkëndëshit, me ngjyrë të kaltërt me dimensione 1:2, kurse në pjesën e këndit të majtë qëndron amblema e partisë.

Neni 5

BDI ka vulë në formë rrethi dhe vulë katrore.

Vula e partisë ka formë të rrethit me diametër 3 cm, në të cilën në gjuhën shqipe dhe maqedonase është i shkruar emri i plotë i partisë dhe selia e saj, kurse në brendi është e vendosur amblema e partisë.

Në vulën katrore me dimensione 6x3 cm është i shkruar emri i partisë në gjuhën shqipe dhe maqedonase dhe selia e saj, vendi për datë dhe numër protokollit, kurse në pjesën e këndit të majtë qëndron amblema e partisë.

Partia ka llogarinë rrjedhëse të sajë.

II. TË DREJTAT DHE DETYRAT

Neni 6

Mënyrën e anëtarësimit, të drejtat dhe detyrimet e anëtarëve si dhe statusi i anëtarëve të nderit rregullohet me rregullore të veçantë.

Neni 7

Anëtarë kanë të drejtë të:

- të marrin pjesë dhe të angazhohen në punën e partisë;
- të zgjedhin dhe të zgjidhen në organet e partisë;
- të informohen për aktivitetet dhe veprimet e partisë;
- të japin propozime, vërejtje dhe sugjerime;
- të jenë të njoftuar me aktet dhe dokumentet e aprovuara ose të projektuara nga institucionet e partisë;
- ta ruajnë nderin, dinjitetin dhe interesat e partisë;
- të paguajnë anëtarësi;

- Anëtarët mbajnë përgjegjësi politike nëse me punën dhe veprimin e vet vijnë në kundërshtim me përcaktimet programore, qëllimet dhe detyrat e partisë, si dhe me statutin e partisë.

III. ANËTARËSIMI NË PARTI

Neni 8

Anëtarësimi në parti është i lirë dhe vullnetarë.

BDI është e hapur për të gjithë qytetarët e Republikës së Maqedonisë.

Anëtarë i BDI-së, mund të bëhet çdo qytetarë i RM-së mbi moshën 18 vjeçare, i cili pranon Programin, Statutin e partisë dhe deklaron dhe plotëson fletëregjistrimin për anëtarësim në parti.

Në parti nuk mund të anëtarësohen personat që janë anëtarë të partive të tjera politike dhe të organizatave të tjera të cilët bëjnë luftë për pushtet.

BDI mund të ketë edhe anëtarë nderi.

Anëtarët e nderit, me propozimin e Kryesisë të Këshillit të Përgjithshëm i shpall Kongresi, kurse midis dy kongreseve i shpall Këshilli i përgjithshëm i BDI-së.

Neni 9

Anëtarësimi në parti realizohet pranë organit më të afërt të vendit të partiesë, ku jeton personi.

Anëtarësimi bëhet në këshillat vendore dhe degët e partisë.

Neni 10

Anëtarësimi në parti pushon me:

- tërheqjen e fletë-anëtarësimit me deklaratë të posaçme në mënyrë vullnetare;
- me humbjen e aftësisë psiko-fizike për veprim politik;
- me përjashtim nga radhët e partisë;
- me vdekje;

Neni 11

Anëtari përjashtohet nga partia kur shkel Programin ose Statutin e Partisë, bënë keqpërdorimin e mjeteve materiale dhe finansiare, bie në kundërshtim me aktet juridike të partisë, si dhe për veprimet e pamoralshme dhe kompromituese që dëmtojnë prestigjin e partisë.

Neni 12

Përjashtimi nga anëtarësia bëhet me vendim të kryesisë së degës ku është i anëtarësuar personi ose të organit të partisë ku bënë pjesë si i zgjedhur.

Neni 13

Personi i përjashtuar ka të drejtë ankese në afat prej 30 ditësh pas vendimit për përjashtim.

Ankesën mbi vendimin për përjashtimin e shqyrton komisioni i shkallës së dytë i formuar nga ana e Këshillit të përgjithshëm.

Neni 14

Anëtarë nderi të BDI-së mund të bëhen të gjithë individët që kanë dhënë kontribut të veçantë në realizimin e qëllimeve dhe përcaktimeve programore të partisë.

IV. QËLLIMET DHE DETYRAT E BDI-së

Neni 15

BDI, si parti politike, qëllimet dhe përcaktimet e veta programore do t'i realizojë konform raporteve të rregulluara me Kushtetutën e Republikës së Maqedonisë, këtij Statuti, programit të vet punues, si dhe akteve të tjera ligjore që e rregullojnë materien nga kjo fushë.

BDI angazhohet për:

- Ruajtjen e integritetit territorial dhe sovranitetit të Maqedonisë;
- Përdorim të parimeve demokratike gjatë veprimit politik;
- Shtet multietnik, në të cilën të gjithë qytetarët do të ndjehen të lirë dhe të barabartë;

- Maqedoni stabile si interes i të gjithë qytetarëve dhe si interes parësor rajonal dhe evropian;
- Integrim të Maqedonisë në strukturat Euro-Atlantike;
- Sistem bashkëkohor ekonomik të bazuar në ekonominë e tregut dhe konkurrencës lojale që do të rriste mirëqenien e popullatës;
- Sistem funksional social, që do të mundësonte një jetë dinjitoze për të gjithë;
- Masa institucionale për mbrojtjen e ambientit jetësor;
- Zhvillim të vlerave kulturore të cilat promovojnë komunikimin multikulturor;
- Arsim cilësor dhe të bazuar në parimet e profesionalizmit;
- Avansim të pozitës së femrës në nivelet e vendim-marrjes;
- Krijimin e kushteve për pjesëmarrjen e të rinjëve në aktivitetet sportive dhe kulturës fizike;

V. ORGANIZIMI I BDI-së

Neni 16

BDI, për realizimin e qëllimeve programore vepron në tërë territorin e Republikës së Maqedonisë.

BDI, organizohet sipas parimit territorial.

Puna dhe veprimtaria e BDI-ë është publike.

Neni 17

Anëtarësia e BDI, organizohet në këto forma të organizimit:

A. Organizimi vendor - keshilli vendor;

B. Organizimi komunal - dega;

C. Organizimi në qytetin e Shkupit – (Këshilli i degëve në Qytetin e Shkup);

D. Organizimi në nivel republikan.

V.A. Organizimi vendor - keshilli vendor

Neni 18

Njësia themelore organizative e BDI-së është Këshilli vendor (në tekstin e mëtutjeshëm Këshilli) që themelohet në nivel të një bashkësie lokale.

Vendimin për themelimin e Këshillit të BDI-së e sjell Kryesia e Degës së BDI-së, në sajë të iniciativës dhe kërkesës nga antarët e BDI-së në mënyrë të përcaktuar me Statutin e BDI-së.

Këshilli sipas alines 1 të këtij neni themelohet në tubimin themelues të anëtarëve të partisë të cilët jetojnë në territorin për të cilin propozohet themelimi i Këshillit.

Kryesia e Këshillit të Përgjithshëm mund të vendos që për shkak të numrit të vogël të anëtarëve, dega të jetë formë organizative e të gjithë anëtarëve pa themelimit të Këshillave.

Neni 19

Këshilli debaton për çështje të rëndësishme dhe me interes për Këshillin si dhe zbaton vendimet dhe qëndrimet e degës të cilës i përkasin.

Neni 20

Anëtarët e Këshillit, në mbledhjet zgjedhore me pjesëmarrjen e shumicës së anëtarëve, me shumicë votash zgjedhin Kryetarin e Këshillit, Kryesinë e Këshillit dhe Komisionin Mbykëqyrës, kurse në Këshillat ku numri i anëtarëve është deri në 50, vetëm kryetar, sekretar dhe arkëtar.

Numri i anëtarëve të Kryesisë së Këshillit caktohet në vendimin për themelimit të Këshillit.

Mandati i kryetarit të këshillit, anëtarëve të kryesisë së këshillit dhe këshillit mbikqyrës zgjatë 4 (katër) vjet.

Neni 21

Kryetari konvokon dhe udhëheq me mbledhjet e Kryesisë së Këshillit si dhe kryen shumë punë të tjera që janë në interes të Këshillit.

Kryesia e këshillit nga radhët e veta zgjedh nënkryetar, sekretar dhe arkëtar të këshillit.

Nënkryetari e zëvendëson kryetarin në rast mungese dhe kryen punë të cilët ia beson kryetari i Këshillit.

Sekretari bën përgaditjen dhe organizimin e mbledhjeve, kryen punët administrative të këshillit, si dhe kryen punë të tjera të cilat ia beson kryetari i Këshillit.

Arkëtarë kujdeset dhe mban evidencë për grumbullimin e anëtarëve dhe kryen punë të tjera të cilat ia beson kryetari i Këshillit.

Këshilli mbikqyrës përbëhet prej 3 (tre) anëtarëve (kryetarit dhe dy anëtarëve) dhe ka për obligim që të mbikqyrë punën administrative dhe materialo financiare të organeve të Këshillit.

Për punën e vet i jep raport kryesisë së Këshillit më së paku një herë në vit.

V.B. Organizimi komunal - dega

Neni 22

Dega është njësi e organizimit më të gjërë territorial të BDI-së që përfshin territorin e një komune.

Vendimin për themelimit e degëve e sjell Kryesia e Këshillit të Përgjithshëm të BDI-së në sajë të iniciativës dhe kërkesës së anëtarëve të BDI-së të cilët jetojnë në territorin për të cilin propozohet themelimi i degës.

Neni 23

Organet e degës janë:

1. **Kuvendi i degës;**
2. **Kryetari i degës;**
3. **Kryesia e degës;**
4. **Këshilli mbikqyrës.**

V.B.1. Kuvendi i degës

Neni 24

Kuvendi i degës është organ më i lartë në kuadër të të drejtave dhe obligimeve të degës dhe përbëhet prej:

- Kryetarit të degës;
- Anëtarëve të Kryesisë së degës;
- Anëtarëve të Këshillit mbikëqyrës të degës;
- Kryetarit të forumit rinor të degës së BDI-së;
- Kryetarit të forumit të gruas të degës së BDI-së;
- Kryetarët e këshillave vendore;
- Nga një anëtar të zgjedhur sipas parimit të përfaqësimit "**secili këshill vendor nga një përfaqësues**", ndërsa në raste nevojë sipas këtij parimi mund të zgjidhen edhe më tepër përfaqësues.

Në Kuvendin e degës marrin pjesë deputetët, ministrat, zëvendësministrat, këshilltarët dhe prefekti i komunës nga radhet e BDI-se të asaj dege me të drejtë vote.

Neni 25

Kuvendi i degës thërret sipas nevojës, por së paku një herë në vit.

Thërritja e kuvendit bëhet me Vendim të kryesisë së degës.

Kryesia e degës është e obliguar që ta thërret Kuvendin, nëse këtë e kërkojnë më së paku 1/3 e kuvendarëve, ose e Kryesive të këshillave vendore.

Kërkesa për thërritjen e mbledhjes së Kuvendit të Degës dërgohet me shkrim.

Neni 26

Kuvendi i degës me propozim të Kryetarit të Partisë - Liderit, e zgjedh kryetarin e degës me mandat 4-vjeçar.

Kuvendi i degës zgjedh anëtarët e Kryesisë së degës, anëtarët e Komisionit mbikqyrës, me mandat 4 vjeçar si dhe shqyrton çështje të tjera lidhur me punën e degës së BDI-së.

Kuvendi mund të vendos (të punojë) nëse në seancë marrin pjesë shumica e anëtarëve nga numri i përgjithshëm i anëtarëve.

Marrja e vendimeve bëhet me shumicë votash të anëtarëve prezent.

V.B.2. Kryetari i degës

Neni 27

Kryetari i degës është organ përfaqësues dhe udhëheqës i degës.
Kryetari i degës njëkohësisht është edhe kryetar i Kryesisë së degës.

Neni 28

Kryetari i degës në suaza të kompetencave të veta :

- përfaqëson degën;
- thërret dhe udhëheq me mbledhjet e kryesisë;
- nënshkruan aktet që i sjellin organet e degës dhe kujdeset për realizimin e tyre;
- kujdeset dhe koordinon punën e Këshillave vendor;
- si dhe shumë çështje tjera që dalin nga përcaktimet programore të partisë.

Neni 29

Kryetari i degës për punën e vet i përgjigjet Kuvendit të degës dhe Kryetarit të partisë.

V.B.3. Kryesia e degës

Neni 30

Kryesia e degës është organ politiko-ekzekutiv i kuvendit të degës që përbëhet prej së paku 11 anëtarëve dhe më së shumti 17 anëtarëve.

Neni 31

Në kuadër të kompetencave të veta Kryesia e degës;

- realizon përcaktimet programore të BDI-së dhe vendimet e Kuvendit;
- miraton propozim-planet për të ardhurat dhe shpenzimet, si dhe planet dhe programet për punë vjetore;
- përgatit raporte për punë vjetore;
- nga rradhët e veta zgjedh nënkryetar, sekretar dhe arkëtar të degës;
- formon komisione, grupe tjera pune dhe përcakton fushëveprimin e tyre;
- propozon më së paku nga dy kandidatë për deputetë, kandidatë për Prefekt komune, kandidatë për këshilltarë komunal, **kandidat për funksione në nivel qendror**, kandidatë për funksione të qeverisjes republikane në nivel komunal dhe të qeverisjes lokale, si dhe anëtarë të trupave të ndryshme punuese në përputhje me kërkesat e Kryesisë së Këshillit të Përgjithshëm, prioritetin e të cilëve e cakton kryesia e Këshillit të Përgjithshëm ose Kryetari i Partisë – (Lideri);

- shqyrton dhe vendos për çështjet tjera që dalin nga përcaktimet programore dhe statutare të partisë.

Neni 32

Mbledhjet e kryesisë i thërret dhe udhëheq kryetari i degës.
Në mungesë të kryetarit atë e zëvendëson nënkryetari.
Nënkryetari mund të kryej edhe punë të tjera që ia beson kryetari i degës.

Neni 33

Sekretari i udhëheq dhe organizon dokumentacionin, administratën dhe arkivin e degës, i organizon dhe i përgatit mbledhjet e degës, të kryesisë së degës dhe organeve tjera.

E përcjell zbatimin e qëndrimeve, vendimeve dhe konkluzioneve që i sjellin organet e degës, kujdeset për pronën e degës, si dhe kryen punë të tjera të cilat ia beson kryetari i degës.

Sekretari i degës njëkohësisht udhëheq edhe me shtabin zgjedhor të degës.

Neni 34

Kryesia vendos nëse në seancë marrin pjesë shumica e anëtarëve nga numri i përgjithshëm i saj.

Kryesia vendos në mënyrë të plotfuqishme me shumicën e votave të anëtarëve prezent.

Kryesia së paku një herë në vit përgatit raport me shkrim për Kuvend të degës.

V.B.4. Këshilli mbikqyrës i degës

Neni 35

Këshilli mbikqyrës i degës përbëhet prej 5 (pesë) anëtarëve.

Këshilli në mbledhjen e vet të parë zgjedh kryetar.

Këshilli mbikqyrës, mbikqyrë punën administrativo dhe materialo-financiare të degës, kurse për punën e vet i jep raport kuvendit të degës, më së paku një herë në vit.

V.C. Organizimi ne qytetin e Shkupit (këshilli i degëve në qytetin e Shkupit)

Neni 36

Në kryeqytet BDI do të organizohet në Këshill të degëve në qytetin e Shkupit.

Në kryeqytet nga kuvendarët të zgjedhur nga kuvendet e degëve, formohet Këshilli i degëve në qytetin e Shkupit.

Për formimin e Këshillit të Shkupit kuvendarë zgjedhin degët të cilat u takojnë komunave, të cilat marrin pjesë në Kuvendin e Shkupit të zgjedhur në zgjedhjet lokale në përputhje me ligjin për qytetin e Shkupit.

Numëri i këshilltarëve, të cilët zgjidhen në Këshillin e degëve në qytetin e Shkupit është identik me atë të paraparë me Ligjin që e rregullon zgjedhjen në qytetin e Shkupit për Kuvendin e Shkupit që i takon qeverisjes lokale.

Neni 37

Kuvendi i degëve në qytetin e Shkupit obligimet dhe të drejtat i kryen në përputhje me nenet që i rregullojnë obligimet dhe të drejtat e organeve të degës, por për qytetin e Shkupit.

Neni 38

Degët e Shkupit komunikojnë me Kryetarin, Këshillin dhe organet e Këshillit të qytetit të Shkupit, i cili i kryen detyrat e veta programore dhe ato të marra nga organet më të larta të partisë.

Neni 39

Kryetari dhe Organet e Këshillit të degëve në qytetin e Shkupit i përgjigjen para Kryesisë së Këshillit të Përgjithshëm dhe Kryetarit të partisë – Liderit.

V.D.Organizimi ne nivel republikan

Neni 40

Organet e BDI-së janë:

- 1. Kongresi;**
- 2. Kryetari;**
- 3. Këshilli i përgjithshëm;**

V.D.1. K o n g r e s i

Neni 41

Kongresi është organ më i lartë i partisë.

Kongresi mund të jetë i rregullt dhe i jashtëzakonshëm.

Kongresi i rregullt mbahet një herë në katër vjet.

Vendim për Kongres sjell Këshilli i përgjithshëm 3 (tre) muaj para ditës së mbajtjes.

Kongres i jashtëzakonshëm thërritet nga kryetari dhe nëse atë e kërkojnë 2/3 (dy të tretat) e anëtarëve të Këshillit të përgjithshëm.

Propozimi për thërritjen e Kongresit, para afatit të përcaktuar me këtë statut duhet të përmbaj rendin e dites me arsyetim.

Kongresi i jashtëzakonshëm konform alinesë 4 të këtij neni konvokohet në afat prej 2(dy) muajve pas marrjes së vendimit nga ana e Këshillit të përgjithshëm.

Neni 42

Kryesia e Këshillit të Përgjithshëm të partisë 10 (dhjetë) ditë pas caktimit të datës së mbajtjes së kongresit zgjedh këshill për përgatitjen e Kongresit.

Numrin e pjesëmarrësve në Kongres e cakton Këshilli i përgjithshëm me propozim të Kryesisë të Këshillit të Përgjithshëm, në bazë të numrit të anëtarëve nëpër degë.

Në punën e Kongresit marrin pjesë edhe anëtarët aktual të Këshillit të përgjithshëm të BDI-së, me të drejtë vote.

Neni 43

Kongresi i BDI-së miraton:

- programin, statutin e partisë dhe dokumente të tjera, siç janë rezolutat, deklaratat etj;
- shqyrton dhe miraton raportin për punën e partisë ndërmjet dy kongreseve;
- shqyrton dhe sjell akte dhe dokumente të tjera dhe kryen punë tjera, të nevojshme për partinë.

Neni 44

Kongresi zgjedhë:

- Kryetarin e Partisë;
- anëtarët e Këshilli të përgjithshëm;

V.D.2. Kryetari i partisë

Neni 45

Kryetarin e partisë e zgjedh kongresi me vota të fshehta.

Procedura dhe kriteriumet e kandidimit përcaktohen me vendim të Këshillit të përgjithshëm.

Mandati i kryetarit të partisë zgjat 4-(katër) vjet me të drejtë rizgjedhje.

Kryetari i partisë zgjedhet kandidati i cili fiton mbi 50% (përqind) të votave nga numri i përgjithshëm i delegateve të kongresit.

Nëse në rrethin e parë të votimit asnjë kandidat nuk e fiton besimin e mbi 50% (përqind) të delegateve, në rrethin e dytë votohet për dy kandidatët që kanë marrë më së shumti vota në rrethin e parë.

Në rrethin e dytë fiton kandidati i cili ka fituar shumicën e votave të delegateve që kanë votuar, me kusht që të kenë votuar mbi 50% (përqind) të delegateve dhe numri i votave që ka fituar kandidati të mos jetë më i vogël se 1/3 (një e treta) e numrit të përgjithshëm të delegateve të kongresit.

Neni 46

Kryetari i partisë:

- prezenton dhe përfaqëson partinë;
- në mënyrë aktive ndikon në sendërtimin dhe valorizimin e përcaktimeve programore të partisë;
- kujdeset për realizimin e programit partiak, të statutit dhe akteve tjera që i sjellin organet e partisë;
- në emër të partisë nënshkruan akte dhe vendime që i sjellin organet partiake;
- në emër të partisë pezullon vendimet e degëve, si dhe shpërndan degën ose këshillin vendor të partisë që bie ndesh me përcaktimet e programit ose statutin e partisë.
- në emër të partisë nënshkruan marrëveshje të karakterit ndërpartiak ose me karakter të bashkëpunimit ndërkombëtar.
- propozon Këshillin të përgjithshëm zgjedhjen e nënkryetarëve, Sekretarin e Përgjithshëm, si dhe funksioner tjere te partise;
- propozon zgjedhjen e anëtarëve të Kryesisë së Këshillit të Përgjithshëm;
- për punën e vet paraqet raport Kongresit;
- kryetari me Vendim e krijon kryesinë e ngushtë si organ kolektiv këshilldhënës të tij;
- kryetari ka të drejtë të themelojë trupa punues në funksion të realizimit të kompetencave të veta;
- për punën e tyre, trupat punues i paraqesin raport me shkrim kryetarit të partisë.

V.D.3. Këshilli i Përgjithshëm

Neni 47

Këshilli i Përgjithshëm është organ më i lartë i partisë ndërmjet dy kongreseve.

Nga numri i përgjithshëm i anëtarëve - **75** anëtarë që i zgjedh Kongresi i partisë me vota të fshehta nga lista e kandidatëve, prej të cilëve **1/3** propozohen nga kryetari, kurse **2/3** nga Kongresi, me mandat katërvjeçar, me të drejtë rizgjedhje.

Anëtar i Këshillit të Përgjithshëm i partisë zgjedhet kandidati që fiton mbi 50 përqind të votave nga numri i përgjithshëm i delegatëve në kongres.

Nese ndonje nga kandidatet nuk fiton numrin e duhur te votave, votimi përsëritet për ato kandidatë.

Anëtarë të Këshillit të Përgjithshëm sipas funksionit janë: Kryetari i partisë, nënkryetarët, Sekretari i Përgjithshëm, anëtarët e Kryesis së Këshillit të Përgjithshëm, kryetari i komisionit mbikqyrës, deputetët, ministrat, zv/ministrat, kryetaret e komunave të BDI- se, kryetaret e degeve, kryetari i forumit të gruas dhe kryetari i forumit të të rinjëve me të drejtë vote.

Neni 48

Kompetencat e Këshillit të Përgjithshëm janë:

- verifikimi i programit politik dhe statutit të partisë;

- cakton numrin e nënkryetarëve si dhe bën zgjedhjen dhe shkarkimin e nënkryetarëve, Sekretarit të Përgjithshëm dhe anëtarëve të Kryesisë së Këshillit të Përgjithshëm të BDI-së;
- përkujdeset për realizimin e detyrave të përcaktuara në Kongres;
- shqyrton dhe miraton raportet e Kryesisë së Këshillit të Përgjithshëm;
- shqyrton dhe propozon çështje të ndryshme të cilat duhet t'i shqyrtojë Kongresi;
- shqyrton dhe miraton nevojën e bashkëpunimit për çështje konkrete programore me partitë e tjera politike;
- verifikon listën e kandidatëve për deputetë, si dhe kandidatët për funksione tjera;
- shqyrton gjendjen materialo-financiare dhe aprovon raportin financiar të partisë;
- sjell vendim për caktimin e datës së mbajtjes së Kongresit të Partisë;
- formon trupa të nevojshme pune për përgatitjen e Kongresit;
- sipas nevojës vendos edhe për çështje tjera të lidhura me partinë.

Neni 49

Këshilli i Përgjithshëm formon komisione për detyra konkrete, si:

- ***komisioni për zhvillim dhe hulumtime strategjike;***
- ***komisioni për çështje ekonomike dhe financiare;***
- ***komisioni për veprimtari informative;***
- ***komisioni për marrëdhënie ndërkombëtare;***
- ***komisioni për çështje kadrovike;***
- ***komisioni për bashkëpunim ndërpartiak;***
- ***komisioni për çështje juridike;***
- ***komisioni për arsim, shkencë dhe kulturë;***
- ***komisioni për shëndetësi dhe çështje sociale etj.***

Neni 50

Këshilli i Përgjithshëm mban mbledhje sipas nevojës.

Mbledhjen e Këshillit të Përgjithshëm i thërret dhe me të udhëheq kryetari i partisë.

Mbledhjet e Këshillit të Përgjithshëm thërriten më së paku një herë në 6-(gjashtë) muaj.

Mbledhjet e Këshillit të Përgjithshëm thërriten më së paku 10-(dhjetë) ditë para mbajtjes.

Këshilli i Përgjithshëm sjell vendime dhe akte nga fushëveprimi i vet.

Këshilli i Përgjithshëm vendimet e veta i sjellë me shumicë votash nga anëtarët e pranishëm.

V.D.3.1. Kryesia e Këshillit të Përgjithshëm

Neni 51

Kryesia e Këshillit të Përgjithshëm është organ politiko-ekzekutiv i Këshillit të Përgjithshëm të Partisë.

Kryesia e Këshillit të Përgjithshëm të partisë numëron **21** anëtarë.

Neni 52

Kryesia e Këshillit të Përgjithshëm mban mbledhje sipas nevojës, por më së paku një herë në muaj.

Mbledhjet i thërret dhe me to udhëheq kryetari i partisë.

Neni 53

Kryesia e Këshillit të Përgjithshëm i përcjell dhe i miraton zgjedhjet për kryesinë e Degëve.

Në mbledhjet zgjedhore të Degëve detyrimisht marrin pjesë anëtarët e Kryesisë së Këshillit të Përgjithshëm nga ajo degë dhe anëtarë të kryesisë jashtë degës përkatëse.

Neni 54

Kryesia e Këshillit të Përgjithshëm me propozim të Kryetarit të Partisë, duke i pasur parasysh propozimet e degëve, e perpilon listen e kandidateve për deputet të cilën ia paraqet për verifikim Këshillit të përgjithshëm.

Me propozim të kryetarit, Kryesia e Këshillit të Përgjithshëm cakton bartes të funksioneve tjera shtetërore si dhe personin i cili do të udhëheq me punët financiare të partisë.

Kryesia për punën e vet i jep llogari Këshillit të Përgjithshëm.

V.D.3.2. Nënkyetarët

Neni 55

Këshilli i Përgjithshëm me propozim të kryetarit zgjedh nënkryetarët e Këshillit të Përgjithshëm.

Nënkyetarët zgjedhen me shumicë të votave nga numri i përgjithshëm i anëtarëve të Këshillit të Përgjithshëm.

Mandati i nënkryetarëve zgjat 4 (katër) vjet.

Zgjedhja e nënkryetarëve bëhet me vota të fshehta, nëse Këshilli i përgjithshëm nuk vendos ndryshe.

Nënkyetarë mund të propozojnë edhe 1/3 (një e treta) e anëtarëve të Këshillit të përgjithshëm.

Kryetari i partisë duhet të japë pëlqimin për kandidatin për nënkryetarë nëse ai propozohet nga anëtarët e Këshillit të Përgjithshëm.

Neni 56

Propozimin për shkarkim të nënkryetarëve mund ta iniciojnë kryetari i partisë dhe 1/3 (një e treta) e anëtarëve të Këshillit të Përgjithshëm.

Nënkryetarët mund të shkarkohen nëse për shkarkim votojnë mbi 50%(përqind) të numrit të përgjithshëm të anëtarëve të Këshillit të Përgjithshëm.

Neni 57

Nënkryetarët mund ta zëvendësojnë kryetarin në rast nevoje dhe kryejnë punë të caktuar në parti, për të cilat i autorizon Kryetari i partisë.

V.D.3.3. Sekretari i Përgjithshëm

Neni 58

Sekretarin e Përgjithshëm e zgjedh Këshilli i Përgjithshëm me propozim të Kryetarit të partisë, me shumicën e votave nga numri i përgjithshëm i anëtarëve të Këshillit të Përgjithshëm.

Kandidat për Sekretar të Përgjithshëm mund të propozojnë edhe 1/3 (një e treta) e anëtarëve të Këshillit të përgjithshëm me kusht që kryetari i partisë të japë pëlqim.

Mandati i Sekretarit të Përgjithshëm zgjat 4 (katër) vjet, me të drejtë rizgjedhje.

Propozim për shkarkim të Sekretarit të Përgjithshëm mund të paraqes kryetari i partisë dhe 1/3 e antarëve të Këshillit.

Sekretari i Përgjithshëm shkarkohet nëse për shkarkimin e tij votojnë mbi 50% (përqind) të numrit të antarëve të Këshillit të Përgjithshëm.

Vendimi për zgjedhjen apo shkarkim sjellët me vota të fshehta, nëse Këshilli nuk vendos ndryshe.

Neni 59

Sekretari i Përgjithshëm është anëtar i Këshillit të Përgjithshëm dhe i kryesisë dhe merr pjesë në punën e këtyre dy organeve.

Ai udhëheq dhe organizon dokumentacionin dhe arkivin e partisë.

I organizon dhe përgatit mbledhjet e Këshillit të Përgjithshëm, të kryesisë, dhe të Kongresit.

E përcjell zbatimin e qëndrimeve, vendimeve dhe konkluzioneve që sjellin organet e partisë.

Organizon dhe kujdeset për funksionimin e administratës.

Si dhe kryenë punë tjera në parti për të cilat e autorizon Kryetari i partisë.

VI. KËSHILLI MBIKQYRËS I BDI-së

Neni 60

Këshilli mbikqyrës bënë mbikqyrjen e akteve dhe vendimeve të miratuara nga organet e partisë, bënë mbikqyrjen e gjendjes materialo-financiare të partisë, vleron aktet juridike të partisë a janë në harmoni me statutin, bënë

interpretimin e Statutit ndërmjet seancave të Kongresit dhe për punën e vet sjell Rregullore për punë.

Këshilli mbikqyrës ka 5 (pesë) anëtarë që i zgjedhë Këshilli i përgjithshëm me vota të fshehta, me propozim të Kryetarit të partisë me mandat 4-vjeçar, me të drejtë rizgjedhje.

Anëtar i këshillit mbikqyrës zgjidhet kandidati që ka fituar shumicën e votave nga anëtarë prezent të Këshillit të përgjithshëm.

Anëtarët e këshillit të mbikqyrës në afat prej 10 ditësh prej zgjedhjes, nga radhët e veta zgjedhin kryetar dhe nënkryetar.

Anëtarët e këshillit mbikqyrës nuk mund të jenë anëtarë të organeve tjera partiake.

Për punën e vetë përgadisin raport me shkrim dhe ia paraqesin këshillit të përgjithshëm më së paku një herë në vit.

VII. PËRFAQËSUESIT E ZGJEDHUR

Neni 61

Deputetët e BDI në Kuvendin e RM-së organizohen në grup parlamentar.

Grupi parlamentar, nga radhët e veta me propozim të kryetarit të partisë, zgjedh koordinatör dhe zëvendës me shumicë votash nga numri i përgjithshëm i deputetëve.

Grupi parlamentar i BDI gjatë punës së vet është i obliguar që të veprojë në përputhje me përcaktimet programore, qendrimet e partise, statutit të saj dhe qëndrimet politike të Kryetarit të partisë.

Për këtë qëllim ai është i obliguar që të konsultohet me organet e partisë.

Neni 62

Këshilltarët e BDI në kuvendet komunale organizohen në grup këshilltarësh.

Grupi i këshilltarëve gjatë punës së vet është i obliguar që të veprojë në përputhje me përcaktimet programore të partisë, qendrimeve, statutit të saj dhe qëndrimet e kryetarit të degës.

Për këtë qëllim ai obligohet të konsultohet me organet e partisë.

Grupi i këshilltarëve, nga radhët e veta me propozim të kryetarit të degës, zgjedh koordinatör dhe zëvendës me shumicë votash nga numri i përgjithshëm i këshilltarëve.

VIII. FORUMI I RINISË DHE FORUMI I GRUAS

Neni 63

Për funksionimin më të suksesshëm partia në rradhët e veta themelon forumin e rinisë dhe forumin e gruas.

Vendim për themelimin e forumit të rinisë dhe forumit të gruas sjell Këshilli i Përgjithshëm.

Për funksionimin dhe veprimin e forumit të rinisë dhe forumit të gruas, zgjedhjeve dhe organizimit, forumet propozojnë rregullore të ndryshme, akte dhe vendime të nevojshme për miratim Këshillit të Përgjithshëm.

IX. FINANCIMI

Neni 64

Burimet për financimin e BDI dhe të dalat e saja janë publike dhe transparente.

Mjetet financiare për veprimin e vet BDI i siguron nga burimet publike dhe private të financimit.

Burimet **publike** janë mjetet të parapara nga Buxheti i RM-së dhe buxhetet e komunave dhe qytetit të Shkupit.

Burimet **private** të financimit llogariten:

- taksa e anëtarësisë;
- donacionet;
- dhuratat;
- dotacionet;
- sponzorimet;
- legatet;
- shitja e materialeve promovuese dhe propaganduese si dhe nga burimet e tjera në përputhje me ligjin mbi financimin e partive politike.

Neni 65

Taksa e anëtarësisë caktohet me Vendim të posaçëm që nxirret nga këshilli i përgjithshëm i BDI së, me kusht që shuma e taksës në periudhën një vjeçare për secilin anëtarë nuk guxon të jetë më e lartë se një rrogë mesatare në RM gjatë vitit paraprak.

Neni 66

Të hyrat dhe të dalat financiare përcaktohen me buxhetin e partisë.

Për të hyrat dhe të dalat mbahet evidencë financiare.

Gjatë vitit, Këshilli i Përgjithshëm mund të bëjë ndryshime dhe plotësime të buxhetit.

X. DISPOZITAT E VEÇANTA

Neni 67

Në kushte të jashtëzakonshme, kur bëhet e pamundshme të tubohet Kongresi, Kryesia dhe Këshilli i Përgjithshëm, kompetencat e tyre i merrë Kryetari ose njëri nga nënkryetarët që e autorizon kryetari.

XI. PUSHIMI I PUNËS SË PARTISË

Neni 68

Partia pushon së ekzistuari:

- nëse numri i anëtarëve bie nën numrin e përcaktuar ligjor për themelimin e saj.

- nëse puna e saj ndërpritet nga organet e Gjykatës Themelore ose Gjyqit Kushtetues.

- nëse Kongresi me dy të tretat e votave të numrit të përgjithshëm të delegatëve sjell vendim për pushimin e punës së partisë.

Neni 69

Në rast të pushimit të punës së partisë, prona e saj e përgjithshme kalon në pronësi të shoqatës “**Nëna Terezë**” ose ndonje shoqate tjetër humanitare.

XII. DISPOZITAT KALIMTARE DHE PËRFUNDIMTARE

Neni 70

Të gjitha çështjet që nuk janë përfshirë në këtë statut Këshilli i Përgjithshëm do t'i rregullojë nëpërmjet akteve dhe vendimeve konform ligjeve dhe këtij statuti.

Neni 71

Iniciativë për ndryshime dhe plotësime të statutit mund të paraqesin: Kryetari i Partisë, Këshilli mbikqyrës dhe Kryesia e Këshillit të Përgjithshëm.

Iniciativat me propozimet konkrete, në formë të shkruar i paraqiten Këshillit të përgjithshëm, i cili vendos.

Neni 72

Të gjitha aktet e përgjithshme të partisë duhet të harmonizohen me dispozitat e këtij statuti në afat prej 6 muajve, pas sjelljes së këtij statuti.

Neni 73

Ky statut hyn në fuqi në ditën e miratimit nga kongresi.

Bashkimit Demokratik për Integrim

Kryetar:

Ali Ahmeti